



Uunga siunnersuut: Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2019-imeersoq.

(Peqqissutsimut, Isumaginninnermut Inatsisinillu Atuutsitsinnermut Naalakkersuisoq)

Tallimangornerup arfininngornerullu unnuaani kiisalu ullut freerfi-usussat nallilerneranni ullaassakkut 05.00-p tungaanut imigassamik sas-saaliisalernissaq anguniarlugu Imigassamut inatsimmi § 26-p al-lanngortinnissaanut siunnersuummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut

(Inatsisartunut ilaasortaq Justus Hansen, Demokraatit)

Partii Naleraq siunnersuutitut imatut oqaaseqaateqarpoq:

Imm. 209.

Aallaqqaammulli Partii Naleraq oqariartuuteqartarpoq Imigassaq pillugu Inatsisartut inatsisaata killilersuinertaqannginnerusumik aaqquissuunneqarnissaa kissaatigalugu.

Kisiannili eqqarsarnartoqartipparput Naalakkersuisut imatut oqariartuuteqarmata:

“Taamaattumik ussassaareqqusinnginneq Inatsisartut aalajangiussaannut naapertuuttumik atorunnaarsinneqarpoq”

Naalakkersuisut aallaqqaataani allannguutissamut siunnersuut pillugu tusarniaapput, tamatumalu kingorna siunnersuummik saqqumiinerminni allarlunnarmik nalilersuillutik, taamatullu pingajussaanik inatsisartut aalianigiinerannik allaanerusumik tunngavilersuuteqarlutik, taamaammat pisariaqarluinnarpoq aperissalluni Naalakkersuisut partiilu tapersersortaa suniarnersut.

Paasisinnaanngilluinnarparput Naalakkersuisut partiillu tapertaat ataatsimoorfeqaratik siunnersuut taamaatsillugu ataatsimiisitaliami suliarineqarnissaanik innersuumassuk.

Kisiannili Partii Naleqqamiit erseqqissarusupparput inatsisip § 27-iani atorunnaarsinissamik akuersilluta taaseqataanikuunnginnatta. Erseqqilluinnartumik nalunaarutiginiikuuarput neqeroorutunik nittarsaassinerit nunani allani ussassaarutitulli periarfissinneqassasut. Uani assersuutigineqarluni aviisini anonnceni kiisalu internetimi ussassaarutini ingerlatsisarnermut naapertuuttumik ingerlatsisoqarsinnaanera tikkuaratsigu. Qaqugukkulluunniit oqaatigineqanngilaq inuusuttut ussassaarutunik oqinaaniarneqarsinnaanerat, soorlu imigassamik aalakoornartortalinnik akeqanngitsumik tuniorarneqarnerisigut.



Akerlianilli siunnersuutip matuma peqqinnerunissamik suliniuteqarnerup timersornerullu imminnut ataqatigiissinnaaneramik erseqqissaasoqanngimmat inuiaqatigiit ingerlaasiannik paasisimasaqannginnermik ersersitsivoq. Saagut peerniartigit. Silaqassuserlu aallutiinnartigu.

Taamaattumik Partii Naleqqamiit siunnersuut tusaatissatut tiguarput.

Imm. 57.

Partii Naleqqamiit isumaqatiginngilarput siunnersuut una immikkoortumut 209-imut ilanngullugu oqallisigineqartussatut kaputartuunneqarmat. Aammattaaq apeqquseqqerusupparput Naalakkersuisut partiillu tapersersortimi uani suna anguniarneraat.

Inatsit patajaatsoq amerlanerussuteqarluartunit taperserneqarluni aaliangerneqartarpoq, tassanilu partii suunersut apeqqutaasariaqartaralik. Tamatumunnga tunngaviliisuusarput misissuinerit suliariluakkat, kisitsisinik patajaatsunik tunngavillit. Sukkasuumik aaliangiinerit aallaaviginagit, pissaneqarallartillunilu aaliangiipallaanniarnit tunngaviginagit.

Taamaatumillu Naalakkersuisut innersuussinerat malillugu siunnersuutip uuma itigartinneqarnissaa taperserparput.